

lestwa zasydlili, přede všem we hłownym měsce Drježdžanach a jeho wokolnosci, hdžež nahladnu serbsku wosadu tworja.

Ze strony sakskeho knježerstwa buchu Serbja po narodnosci hižo w přenich dzesatkach našeho lětstotka wjacj króc ličeni. Tola cyły tutón rukopisny material, kiž so ženje wozjewiř njeje, bu skónčnje zničeny (přir. Andree, Sprachgebiet der Lausitzer Serben, str. 21). Přenje nam zdžeržane přibližne ličenje Serbow sakskeje Łužicy sta so w l. 1844 wot Budyšskeje krajskeje direkcije na žadanje kral. sask. Towarstwa za wuslědženje a zdžerženje krajnych starožitnoscow w Drježdžanach. Tehdy je so „ungefähr im Überschlag“ 42,000 Serbow naličiřo, wot kotrychž měješe město Budyšin samo 1200 (přir. Mittheilungen des k. s. Vereins etc., str. 72 sl.). Pozdžišo buchu wot l. 1847 Serbja w Sakskej při všech ludličenjach (z wuwzacóm l. 1852 a 1855) porjadnje ličeni a jich ličba hač do l. 1871 zhromadnje w „Zapiskach kr. s. statist. bureaua w Drježdžanach“ wozjewjana. Nadrobne ličby Serbow z kóždeje wsy wosebiće hakle buchu w spomnjenych „Zapiskach“ wot poslednjeju ludličenjow ll. 1875 a 1880 wočišćane.

Moje ličenje Serbow z l. 1884 (wo někotrych wosadach hakle z l. 1885) je wěsćiše a dokładniše, hač móžeše jo knježerstwo při ludličenjach dobyć, dokelž so do officialnych ličenskich listnow wšelacy Serbja ze wšelakich přičinow jako Serbja njezapisuja. Za to wot mnohich jeno tři příklady z ludličjenja 1880! W małej wjesy Hodžijskeje wosady njebě bohata burowka swoju serbsku narodnosć wuznařa. Jako chcysě ličer to poprawić a do listna připisać „Wendin“, wona z hordoscu na njeho zawořa: „Božedla nic! Mje nichtó za Serbowku džeržeć njesmě!“ A ji tola při kóždym němskim słowje Serb na hubu bješe! — Na wulkich kubřach kublerjo abo najency, kiž su z wjetša němskeho rodu a njerědko přeciwnicy Serbow, při ludličenjach runje kaž při wólbach do sejmow swoju narodnosć pozběhnuć a serbsku potłócić pytaju. Přede všem pola dweju, štož zhonich, buchu při poslednim ličanju l. 1880 čeladnicy a džělačerjo, kiž běchu a su nimo inspektora a hetmana wšitcy serbsey, jako Serbja njezapisani — a tak ličbu Němcow we wsy nolentes-volentes přisporichu. — Samo zdžěřanym Serbam stanje so druhdy, zo jim skra-